



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

Articulus Tertius. De quaerimonijs quae fiunt ordinarie in principio amoris
deficientis.

urn:nbn:de:hbz:466:1-9766

vix quidpiam cognoscere, & secundum voluntatem vix quidquam amare pos- sit. quia vero, quam diu aliquis in ini- tio priuationis versatur, subinde a magis strenuis, pulchrae quædam opera- tiones eliciuntur, poterit in eo calu mysticus legere ea, quæ de formationibus operationum diximus infra. a iam ve- ro cum præmiserimus ea, quæ in toto statu priuationis contingunt, ad parti- cularia descendendum, & consequen- ter dicendum erit,

*Quod propria operatio quamdiu mysti-
cus in initio priuationis versatur, sit a-
moris depuratio a vivacitate intel-
lectuali.*

ARTICULUS SECUNDVS.

Sol conuertetur in tenebras, b & lu-
na in sanguinem antequam veniat
dies Domini magnus, & horribilis; ac
si diceret, o pia anima, quæ per amo-
ris exercitia ad summum tibi propor-
tionatum lumen ascendisti, dum in sta-
tu contemplationis verlareris, scias ve-
lim, quod licet maius lumen non vi-
deatur, quam lumen solis; hoc ipsum
tamen obtenebrari debere, ita ut præ-
habita spiritualis pulchritudo non tan-
tum deficiat, sed etiam, ut luna con-
uertatur in sanguinem: per hoc, quod
in animali homine, qui bona subordi-
natione passionum, & virtutis studio
afficiebatur, omnis generis tentationes,
& carnalia desideria, utrumque sopita,
aculeis suis extimulent, & paulatim ad

arduum certamen deducant, antequam
in medio huiuscè priuationis, veniat
dies Domini magnus, & horribilis. c

Quando ergo in summo status con-
templationis, siue affirmatiui, siue ne-
gatiui modi, non amplius subsistere po-
tuerit pia anima; quin imò non per ac-
cidens, aut ad modicum durans, ani-
maduerterit se indies deficere a solitis
exercitijs, & adiuandi modis; conti-
nuo etiam omnem habitam pulchritu-
dinem contemplationis, eiusque viua-
cem gustum deficere, neque etiam ad
præhabitas operationes posse redire;
sed intima tendentia, ad ulteriora licet
ignota, inclinari: securè hæc, quæ de
initio priuationis diximus, aggrediatur.
& principio quidem non ægide feret,
spiritualem pulchritudinem, seu intel-
lectualem vivacitatem (ad quam in
contemplationis statu eleuata fuerat)
obscurari, & paulatim deficere; sed hu-
miler consentiendo, Dei beneplacito
se se committat: qui tanquam sapiens
architectus a culminibus, scilicet intel-
lectualibus, incipit soluere vetustatem,
ut impuritatem amoris corrigat; licet
etiam interea simul (nondum tamen
piæ animæ cognitis modis) in tenebris
ponat latibulum suum; quod ut manife-
stiùs appareat, dicendum erit,

*De querimonijis que fiunt ordinariè in
principio amoris deficientis.*

ARTICULUS TERTIUS.

Dixi d' sapiens efficiar, & ipsa longius
recessit a me. ac si diceret, o pia a-
nima,

a Parap. 6. b Ioh. 2. c inf parap. 3. d Eccl. 6. 7.

nima, quæ vñteroris, perfectionis cupida, subdubitando, & admirando in temetipsa conturbaris, quod post aliquod annorum spatium, tam in statu meditationis, quam adspirationis, ac etiam contemplationis, siue modi adfirmatiui, amorosa consolatione, siue modi negatiui, animosa transcendentia feliciter expensum; ita vt interea ad diuinam sapientiam, vt melius fieri potuit, & tibi opus fuit, teipsum eleuates. tibi persuadens, quod semper in amore Dei sensibiliter deberes crescere: iam verò ab aliquo tempore constanter videtas, te è contra magis deficere, ab habitu intellectuali pulchritudine, & amoris diuini gustu: noli putare, quod ipsa hæc tua interior bona constitutio, longius recedat à te licet enim secundum quid, & prout hucusq; consueveras, eam longius recessisse animadueratas, non tamen secundum illum modum, qui purè spiritualis est, & ad quem disponi incipis, longius recedit; sed intimius accedit, ac miris, & tibi nondum cognitis modis accedit, accederetq; magis incessanter. Itaq; vt pane solido cibanda, & vt amica in tentatione probanda; (nihil enim nobis amplius hoc loco cum deuotione sensibili commune est) statue tecum indies, & virili animo repete, donec deficiam, non recedam ab innocentia mea: iustificationem meam quam cœpi tenere, non deferam. neq; introibo in tabernaculum domus meæ, neq; ascedam in lectum strati mei, nec dabo somnum oculis meis, nec palpebris meis dormitatio-

nem, nec requiem temporibus meis, donec (gratia Dei mediante in sequentibus statibus) inueniam locum domino, & tabernaculum Deo Iacob; in tantum, vt si diuino pulchro, & bono pro voto potiri, non sim digna; saltem aliud quidpiam quod Deus non est, & ad Deum me non ducit, etiam admittere nolim.

Et quidem eiusmodi fortis, & constans animus, scilicet omnes desolations tolerandi, tanquam pactum quadam sit ad diuinum amorem prosequendum, & ad condelectandum legi Dei secundum interiorem hominem, loco p̄eambuli, & dispositionis preuię, ad congruè operandum; dein vt fieri poterit, ad exercitium aetus, spiritualis oculus ad diuinum pulchrum atpcionandum, eiusq; summum bonum diligendum eleuandus erit; non crassa; sed admodum subtili cogitatione, idq; toties moderatè reperendum erit, quoadvq; actualis amoris bene afficiens, & cum Deo coniunctio, subsequatur; quæ si obtineri non possit, æquo animo ferendum erit, quidquid molesti occurrit, & tanto orandum humilius, quanto gustus amoris diuini recesserit longius. ne autem præstans margarita hic abscondita negligatur, consequenter dicendum erit,

De formatione amoris deficientis, prout est in intellectu per recordationem simplicem.

ARTI-